




乾隆萊州府志

(清) 嚴有禧 纂修



本書十六卷首一卷，據清乾隆五年（一七四〇）刻本影印。全書間有原版朽壞處，諸館藏本皆同，無法換配。

萊州府志序

古者小史掌邦國之志外
史掌四方之志而志以名
迨扶風作輿地志汝陽著
風俗通於是郡邑仿之始
各自為志標一方之梗槩

萊州府志

卷首

焉此輜軒君子所資以攷
山川稽戶口驗人物高下
政治得失而諗謠俗之貞
淫者也其所係顧不重哉
某故有志歛脩於明太守
胡公越七十年太守龍公

繼脩之又百餘年我

朝海寧陳公為守復增輯之
時為康熙壬辰距今又三
十年矣其間因革損益文
物典章宜見於志者莫可
殫述及今纂集勢猶差易

萊州府志

卷首

二

倘任其放佚廢墜異日者
網羅於簡編殘闕之餘訛
謬相承魯魚莫辨其孰從
而徵信之余是以不揆弁
鄙汲汲焉有事茲役也願
從來脩志者必選地設局

徵請里中宿儒或別郡名
流搃不律而從事當是時
非不赫然稱盛舉然而寅
緣請託瞻徇愛憎往往書
一出而謠詠隨之求其文
直事核卓然可傳信者恒

不數覲焉余盖有鑒於此
不開局不延友惟與同里
趙君徵文考獻互相商榷
趙君名聲武余外弟端雅
君子也用屬以編摩之任
而決擇去取則惟內斷一


心舊志之精當者仍之靡
襍者汰之正其訛補其闕
凡星野灾祥山川里社丁
賦學校祀典兵防以及政
教人文之類靡間鉅細無
不攷核增訂讐校再三而

於忠孝節烈之事尤兢兢
乎三致意焉庶幾一方之
梗槩瞭如指掌或足備輶
軒之採矣乎第余自癸丑
蒞萊雖復歷有年所而聞
見難周蒐羅未盡質之此

邦人士未必無不醇不備
之譏顧惟矢公矢慎繕積
弊而空之事主乎核文主
乎直此則區區之心差堪
自信者爾是書草創於戊
午首春尋以遷秩巡行郡

縣僕僕車塵馬足間至已
未春仲始克告成會皖中
張君繼余守萊余與君有
通門之好雅知其通經術
而嫻習吏治暇日示以此
書謂可傳信力請付梓余

喜其有同志而能相與有
成也爰屬為更定而授之
賜進士出身中憲大夫分守
登萊青整飭海防道副使
前萊州府知府常熟嚴有
禧撰



新修萊州府志序

郡邑之有志尚矣古者公侯之地不
過百里又有卿三人大夫五人士二
十七人相與翊贊其治不勞而成後
世一縣之地大者百餘里令丞簿尉
才三數人加以遷徙易置不常厥居
始至其地貿然不知東西若非按圖
經攷記傳奚以知其山川疆理亭障
斥堠之險易膠庠廨舍壇壝禱祀之
地賦役兵甲之數田農水利之所宜
與夫剛柔燥溼貞淫習俗之變而施
其教由是言之志之所繫豈不重哉
我

國家

列聖相承重熙累洽疆域之盛度越前古
世宗憲皇帝垂念郡邑之治遠近劇易猶有

萊州府志

序

一

未得其宜者於是酌繁簡正封

置守令務合厥中又命各省纂修

志彙爲成書藏於冊府今

皇上御極以來加惠元元擢賢良愼守

頒經史修三禮其於阜民成俗之事

尤致意焉萊之爲郡在東海之隅先

是

憲副虞山嚴公實守是邦

萊州府志

序

二

公爲人中正敏果仁而愛人其爲政首

在肅綱紀貞百度威行加之以恩奸

宄屏服民用大和

天子嘉之晉秩憲副而余以庸虛適承

公後暇日

公謂余曰萊有志繁冗無當欲修之久

矣以郡多務未暇今幸得少閒吾爲

若定之何如於是刪其繁蕪補其

漏不數月而志成余受而讀之喟然歎曰人之志量相越豈不遠哉晚近士夫以遷轉易置之不常類多傳舍其官其爲治也急簿書而已於他百務顧未暇以舉暇矣而意所不屬亦未有毅然成之者

公在郡五六年旣已百廢具興而猶拳拳於一志之未成必踐其言於旣去

之後於以見

公之才與志爲何如而豈世之所易及歟後之守是邦者讀是書觀其山川民物鉅細具陳何異世守其官而習其事於以施其政教協和吏民以欽承

天子之德意是亦

公之志也夫爰拜手而爲之序

乾隆五年歲次庚申季春月中憲大
夫山東萊州府知府桐城張桐譔



舊志序例

東萊爲山左僻郡而北臨滄海有萬壑朝宗之勝又高望按河諸山水環拱於西南故鍾靈毓秀與諸郡無少異志之不可缺也所繫綦重矣自明萬歷三十一年太守龍公修後迄今百有餘年天運之否泰陵谷之變遷人事之盛衰得失茫無可考卽前志殘板或殘缺失次其存者又多磨滅不可復辨不及今編輯後之人不敢慨於文獻之無徵耶余承之以來其始固不敢以末學陋議妄庸紀載之任旣復自思幸世際休隆河清海晏

萊州府志

卷首 舊志序例

一

聖天子加意右文車書一統之盛罔不載表徵彰隱之典無不舉則博考典制蒐羅遺軼以備一郡之典故固守土之責也是以不揣固陋或尋諸斷碣殘碑或採諸前達文集或索古蹟於名山或咨軼事於耆舊自辛卯夏檄下州縣廣求文獻數月間草蕘畧備復祇承大中丞蔣公之命以爲陳立綱紀考稽禮樂修舉廢墜尤當表彰忠孝節義以爲正人心風俗之本遂於案牘之暇殫心斯志迨今秋遷秩謝事後復留數月詳愼斟酌稿經屢易有仍前志之舊者有一二損益釐定者有續前志所未載者皆網羅舊聞折衷經史事必究其原委地必詳其始末人必核其初終綱分十二曰方輿曰建置曰武役曰學校曰兵防曰封建曰職官曰名宦曰選舉曰人物曰藝文曰圖見方輿之目九建置之目十二武役之目八學校之目七兵防之目六封建之目二職官之目一名宦之目二選舉之目八人物之目十二藝文之目四圖見之目四爲卷凡十有二就正觀察甘公加以裁定有相得益彰之美而搜羅纂輯則闕里孔東塘北海劉滄嵐兩先生之力居多自夏迄冬經歷三時剞劂告竣余始於歲杪言歸自慚茲舉之急就勿克久留較訂以免疎陋之譏也竊猶幸大略之不一涇沒以待後之筆削或可諒余衷也抑余更有冀焉志中所載海濱廣斥潮水所至五穀不生歷時久而地漸淤富思何以招徠而耕墾之聽訟不如無訟爲善彼習以相稔浸趨於喬詰鸞鸞者何以散燭而馴伏之古郡守表率一方若毛公之本詩教以達政楊公之清稟四知孔公之虛懷下士其芳踪不遠今可邇乎掖令宗公事業與日月爭光今日捧檄佩綬能追蹤其一二否也東萊人物錯見於二十一史代有英賢近世名公鉅卿山林隱逸且與史書所載先後輝映都邑人士與後之蒞茲土者欲步武古人乎蓋於是志焉觀之康熙壬辰冬十月海寧陳謙序

萊州府志

卷首 舊志序例

二

一志乘因乎史傳史傳因乎三代之禮損之益之賴有文獻在若文獻不足雖聖人復起無從徵之矣萊志成於前萬曆之癸卯距今一百一十年中值鼎革頻罹兵燹所爲故老遺

聞者聖及已久今欲續而修之殆非冥搜擬撰可以補百年之缺畧必採輯屬邑諸志以彙於大成庶幾力省功倍之法也孰意附郭之掖縣先已無志他州縣雖有新志亦止詳於近代若鼎革舊事百不一不得已就其存者存之而闕者亦聽其闕而已蓋本邑修志之時必與其鄉老里大夫極力搜羅以成盛舉尙不免有遺墜勢已無可如何今修府志欲督其更增焉必不得之數也但於掖縣之全無志者或考之簡籍或錄之碑版或訪之父老獲什一於千百勉爾卒事意良苦已 一舊志分八卷有目無綱而所謂目者又多參錯如封建職官乃在星野疆域之前是未有郡而先設官矣如萊州府志

城池宮室與選舉人物相雜封贈將材與兵防屯田相雜義仙釋與古蹟墳墓相雜既不分門又不從類隨意編錄殊乖體裁今分爲十二綱每綱一卷綱舉目張各從其類庶幾於檢閱矣 一屬縣諸志止高密昌邑二志有綱有目高密志十卷其中有祭儀一卷甚可取法惜列其目而畧其儀注至於古蹟景物祠廟陵墓祥異皆志之正文也而乃入雜稽門殊不可解若昌邑志八卷其首多天文一卷乃以祥異氣候實之似亦未確又以古蹟流寓陵墓仙釋寺觀入雜述門亦猶夫高密之見也今效其綱目而別分門類 一風俗物產他志不入方輿內古蹟寺觀他志不入建置內倉儲貢賦

鹽課海運他志不入賦役內然風俗出於里社物產體其州未嘗非方輿也古蹟本前人之規模寺觀亦異教之結構未嘗非建置也若倉儲海運固糧糈之正務胥徒鹽課乃庸調之大端未嘗非賦役也今皆附之 一志有祭儀尊聖禮神守土之重事也若無籍可稽但憑掾吏之指點儀既不倫物亦不備草率畢事隕越實多今俱依會典條例詳列節文以便遵行 一費宮射圃未嘗非建置也舊志皆別立學校一門亦寓崇事儒術之意今俱仍之而又以學田禮器書院附其後 一兵防一志舊皆附於職官之末而所謂衛所等並不詳列未免挂漏況前代設立衛所皆有專城與州縣錯置有民人有土地有社稷學校居然一邑也而乃置而不論是遺朝廷之疆域矣今特爲一志而凡係於兵防者附之 一分茅胙土國有大小之封綰綬分符位有尊卑之等皆王朝之夾輔士民之具瞻也志封建載其土田之世守焉志職官名宦表其功德之顯著焉旣存懷古之思復示景行之則 一選舉人物雖分兩志實皆一郡之人材也天爵人爵各有優長耳至於隱逸流寓方術仙釋既顯於當時傳於後世必非恒流舊志別附卷末不今仍入人物志內而列女亦附焉 一古今賢宦已載祀典其生平事蹟各詳本傳仍遵舊志事兩朝者不書間有通志所載者附之 一歷代典謨

詩亦文章也特標王言冠蓋文之首 一詩文諸類必取古
之名賢今之才士或處或寄或宦或遊或紀其時地或咏其
風物實有關於民之利弊有資於士之興感者乃選而錄之
不然舊志雖載亦在必刪 一時賢著作不登於碑版不見
於編集無從購借統俟後之續刻至題無與萊志者例不泛
載 一左圖右史以便檢閱也今依舊志東萊星野山川城
池各繪圖於首而其詳仍載各志之本條 一史書有表有
譜編年紀事縱橫列之亦便讀之法也今但於郡縣沿革用
之封建職官各詳於志不必表列 一志以表前賢發潛德
現今建牙握篆者遵奉

萊州府志

卷首 舊志序例

五

繪音不敢作卷衣大車之頌若郡邑名賢方當建樹之時動業
雖謹謹援往志生人不立傳之例未敢贊一詞也

前志考異

紀葛盧根半通志入之萊郡沿革內今考春秋葛盧介於
紀在壽光根半在安邱一宣城伯祠永康侯祠通志入之萊
郡祠廟內今考二祠俱在登州 卓茂王密舊志入之萊郡
宦蹟內今考漢書卓茂為密令乃河南密縣王密為昌邑令
乃兗州金鄉縣漢時昌邑縣也 鄧禹舊志入各宦內今考
禹封高密侯非官萊也 魏鸞淳于朗舊志入宦蹟內今考
二人在萊無政績 鄭道昭父子魏齊諸史謂相繼為兗州
刺史兗州南小山有道昭字刻述祖見之流第今考道昭父
子實相繼刺光州天柱山刻鄭父子銘而萊城南十五里高
萊州府志 卷首 前志考異 一
望山巔道昭石刻宛然在焉 王直通志舊志皆入各宦今
考直平妖賊宜入武功 管邴李劉諸人所居舊在萊屬今
割屬青登矣不宜仍載 孫崧孫嵩孫賓碩通志舊志似三
人皆入萊郡人物今考漢書孫崧即孫嵩字賓碩安邱人
王烈通志舊志以為北海人今考漢書太原人 劉休賓通
志舊志皆入人物內今考南北諸史休賓先仕宋為顯官後
以妻子故降魏大節不足取故除之 北海王詳濰縣志以
為姓王名詳考魏史北海王名詳魏宗室也本拓跋氏 王
景通志舊志皆入人物內今考景歷事四姓大節不足亦不
宜取 童信王麟舊志皆入人物內今考二人俱遼東武弁

徐文通志舊志以爲南北朝人今考金史文牙爲趙宋臣
後降劉豫又仕金 崔世榮平度志以爲元人今考世榮爲
定海判官定海軍金所置旋自金廢則世榮金人也 蔡相
塚平度志未載考齊乘有之今俱爲改正

前志序跋凡例

夫郡之有志蓋所用極教維風匪細典也吾萊固在海濱
提封千里冠蓋比跡祖宗二百餘年教化判洽文物斌斌蔚
起山以東稱名郡矣而志可少缺當歲辛丑今憲使龍公來
守吾郡問志蓋嘉靖中郡守明公創修迄今業七十年所靡
有嗣其燬者而俗化推移一切幾於散失則慨然欲增修之
顧其時海上多故方蒿目弗遑再閱歲既殫精畢力庶役次
第底績度其儲餘猶可爲志舉也適開館局更新義例檄所
部各採故實以屬不佞燿暨董大理公裁正焉不佞纔一受
簡輒有先君大故而大理長才偉負方銳意著作不難獨力

肩之於是盡發羣書集諸生四五輩以資檢閱而躬自讎校
間以疑質不佞龍公亦時時枉車騎問勞相抵掌揚扞今昔
蓋匪直七十年間採掇靡遺繫自有志以來數百載緣習之
誤咸一一釐正務可信可傳其用意亦勤矣自春徂冬八閱
月而志成廼手以示不佞曰此其事在往牒而其義則基竊
取者也亦足以備一郡之典稱龍公指乎不佞受而卒業焉
然有當於心獨慨風會之流而莫之挽也竊於身兼樂府者
有厚望焉議者或謂志以識事爲用有所譏評不佞以爲不
然蓋郡之志猶國之史也史無燬刺焉用史爲故志既識其
事而於是非取舍之際尤必衡以大義未始緣情毀譽俾後

之覽者有所觀擇以不昧所從此史氏遺意亦維持風教之一機也胡甯廢哉龍公聞而善之謂不佞叨與始事因督爲之序命再至爲序如此若其損益將有後之君子不佞何敢知已郡人趙燿序

故志嘉靖乙未歲所修甚簡確蓋其時毛文簡公所訂正古道有存者然去今七十年七十年來萊事多堙沒不可考矣郡守吉州龍公奮然修之以屬趙中丞公謬以余佐焉中丞博雅端亮余忻忻謂奉區沃盥可成一方鉅典矣顧無幾參閣中丞公忽遭封翁之戚余以寡昧漫事掇拾雖時從中丞苦次奉窾肯乃中丞往往稱荒迷不欲大有斤削不佞亦僅

萊州府志

卷首 前志序跋凡例

二

以伎倆所至成之大都體裁竊取別郡志善本事求其核不敢爲耳食故志所臚列人品稍正其訛者一秉於公論毫不敢私至夫文之鄙俚庶幾免於勝質矣萬歷癸卯臘月十日董基跋

不佞治萊無狀不能博赫赫名然每致慨於得失之林古今之際也河山無改頓爾有風景之殊國何藉二千石爲東萊於古亦八輔一大都會也先是吏茲土者與于大夫之生於鄉者賢哲之踵相望入齒爲芬非若荒邱之固陋而阻於景行也若乃上著物宜居然上游利病相禪廢興相待剛柔相盪可按局覆耳不佞始來鹿來時問俗父老亦金懷尚

萊州府志

卷首 前志序跋凡例

三

高鋤茲慕杜密之威儀乘嘉王成之風式遏追張敞之蹤撫康成之遺教則經術可興履平仲之故墟則爽塏增愧蓋不佞一行作守吏覺懷古之情更深間念前志草創計可料理於是禮謁都御史趙公大理董公二公者博雅君子也獨標新格掃故牘而更之得若干卷不佞敬在下風夫土俗具而察卻陳事物并而衰斧鑿苦心而裁之俾來者安坐而索之共尊典刑期各不詭先民而止不亦善乎又寧獨括琳宮之艷麗拾寶篆之英華使畸人挾爲勝場墨卿擢爲至致已哉或曰子之稱斯役也無乃名乎曰我惟不好名也而微之實我而名也則塗飾足矣且是志之先子不見夫鬻名者乎百年之間芳醜易位惟夫無以名爲者而乃以永名子謂我何求耶新志既成會文明遣拜新命奉璽書稱使者治兵海上戒行舉鵬屬二公曰不佞之於東萊也鼠飲河而蚊負山櫛揀髮而炊數米今之責視昔倍有鉅已昏旦拮据以聽後之雌黃謂是老於萊者而几案間如是如是史氏又將操不律從事焉則不佞按志滋悚矣萬歷癸卯仲冬月七日吉州龍文明謹跋

一郡志創修遍考通志通考左傳國語國策一統志山海經水經注齊乘方輿勝覽天下名山勝蹟記二十一史管子晏子風俗通及近時諸書並毛文簡公各州縣舊志參

以薦仲父老家言信者則書而疑者則俟後之作者

一作志以司馬遷為準故畧做十表作沿革諸表做八書作

星野諸志做列傳作名臣等傳又做本紀作大事記紀古今

大事據事直書善惡自見在志傳後者一方之事不敢顯然

擬帝紀也卷末為典籍藝文若卷端刻諸圖則欲開卷使千

里提封如對也 一名山大川凡經見者悉書而後以俗名

者皆改正 一郡有藩臬各道前後更置不一舊志所無今

入職官表傳內如古刺史節度使之例且曾駐本府者方入

一他處科目有原籍係郡人者俱查入 一墳墓但載古

墓及近代都御史以上者 一名臣悉採近代 諸書

惟卓然名世者入之下此入人物內俟後日公論 一列傳

所序諸賢必蓋棺論定郡人則生平無媿職官則功德不泯

者方入若見存於世即一時聞人亦不敢私褒一語 一忠

義武功紀郡人附職官者以類從也 一武職舊志其畧今

入兵防內參遊守備俱載指揮以下惟載員數 一孝義節

烈無的據不書懼不公也必死乃書其行始完也 一山川

寺觀廟宇祠院其碑碣詩文惟名筆古雅可傳者入之近時

蕪陋俱削不錄 一典籍但係業人及遊宦於萊者所著所

刻中有可錄俱載 一文藝但涉於萊佳者俱載其有關世

道風土及可考興章可尋往蹟者即文不雅馴亦錄不詳附


萊州府志

卷之四

四

北

星野圖



萊州府志

卷之四

東



